

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 097-0-Su-17-000452
Brčko, 05.07.2017. godine

Na osnovu odredaba člana 18. i člana 19. Pravilnika o unutrašnjem sudskom poslovanju („Službeni glasnik Bosne i Hercegovine“ broj 66/12), građansko-privredno-upravno odjeljenje Apelacionog suda Brčko distrikta Bosne i Hercegovine, na sjednici vijeća održanoj dana 05.07.2017. godine, usvojilo je sljedeće:

P R A V N O S H V A T A N J E

I

Akt nadležnog organa o izboru kandidata povodom javnog konkursa za prijem u radni odnos u Javnu zdravstvenu ustanovu „Zdravstveni centar Brčko“ Brčko distrikt Bosne i Hercegovine nije upravni akt protiv kojeg se može voditi upravni spor, jer je donesen u pravnoj stvari zasnivanja radnog odnosa, koja nema obilježja upravne stvari.

II

Akt nadležnog organa o izboru kandidata povodom javnog poziva za imenovanje članova Upravnog odbora Fonda zdravstvenog osiguranja Brčko distrikta Bosne i Hercegovine nije upravni akt protiv kojeg se može voditi upravni spor, jer se ne radi o upravnoj stvari.

III

U upravnom sporu Osnovni sud Brčko distrikta Bosne i Hercegovine će odbaciti tužbu ako se tužbom osporava akt koji nije upravni akt ili ako se radi o stvari o kojoj se ne može voditi upravni spor. Međutim, ako se u konkretnom slučaju radi o pravnoj stvari u kojoj je obezbjeđena druga sudska zaštita, sudija će odbaciti tužbu u upravnom sporu i takav predmet ustupiti na nadležnost Osnovnom sudu Brčko distrikta Bosne i Hercegovine radi rješavanja zahtjeva u parničnom postupku, u kom postupku će se blagovremenost tužbe cijeliti prema datumu njenog podnošenja u upravnom sporu.

IV

Pravna shvatanja će se primjenjivati na postupke pokrenute nakon njihovog usvajanja, a neće se primjenjivati u postupcima u kojima je ranije upravni akt poništen i predmet vraćen nadležnom organu na ponovno rješavanje, pa nezadovoljna stranka ponovno pokrene upravni spor povodom iste upravne stvari.

Predsjednik
građansko-privredno-upravnog odjeljenja:

sudija Dragana Tešić